

ARL^eF

AGENZIE
REGJONÂL
PE LENGHE
FURLANE

La Bandiera dal Friûl



La Bandiera
del Friuli

LA BANDIERE DAL FRIÛL

Un tra i simbui inconfondibii de nestre tiere e je la bandiere dal Friûl, la setime plui antighe in Europe.

La sô divignince e rimonte ae ete dal Stât patriarcjâl di Aquilee che dal 1077 al 1420 al à guviernât il Friûl istituint un dai prins Parlaments in Europe. L'esemplâr plui innomenât e antic (secul XIV) si pues amirâlu ancjemò vuê tal Museu dal Domo di Udin.

Si trate di un drap maraveôs di forme cuadrangolâr di sede colôr grîs celest, cuntune acule tal mieç.

La bandiere e jere part dal furniment funerari dal patriarcje Beltram di Saint Geniès, restât in cjarie dal 1334 al 1350, cuant che al è stât copât in maniere barbare di une conzure di nobii furlans.

A son diversis ipotesis sul parcè de sielte di doprâ une acule, ma no 'nd è nissune che si poi su provis avonde validis.

Dut câs la acule, tant che simbul de



> Antighe bandiere part dal furniment funerari dal Beât Patriarcje Beltram, in mostre tal Museu dal Domo di Udin.

> *Antico vessillo che faceva parte del corredo funebre del Beato Patriarca Bertrando, esposto nel Museo del Duomo di Udine.*

Patrie dal Friûl, e je stade doprade za plui di un secul prin de bandiere dal '300. Di fat, i reperts numismatici a incuadrin cun sigurece la adozion de acule patriarcjâl tal principi dal 1200, sot dal ream di Volchîr di Erla, patriarcje dal 1204 al 1218.

E je ricognossude de L.R. 27/2001

La bandiere furlane e je stade definide e ricognossude in maniere uficiâl de leç regionâl dai 27 di Novembar dal 2001, n. 27. E je formade "di un drap di forme retangolâr cun tal mieç une acule eraldiche di aur cu lis alis spleadis, cjâf a çampe, bec viert e sgrifis rossis, suntun cjamp celest.

Lis dimensions de steme a àn di jessi trê cuints de altece de bandiere, e cheste e à di jessi alte doi tierçs de sô lungjece".



> Afresc policrom antic de acule furlane inte façade dal Palaç Susane di Pramper, in vie Savorgnana a Udin.

> *Antico affresco policromo dell'aquila friulana sulla facciata del Palazzo Susanna di Prampero, in via Savorgnana a Udine.*



> La bandiere dal Friûl ricognossude de L.R. 27/2001.

> *La bandiera del Friuli riconosciuta dalla L.R. 27/2001.*

E va esponude intai Comuns là che e je ricognossude la presince de minorance linguistiche furlane, dongje de bandiere de Region, di chê taliane e di chê de Union Europeane.

No si à di confondi la bandiere dal Friûl cun chê de Region Autonome Friûl-Vignesie Julie, nassude tal 1963. Cheste e cjape ispirazion di un basrilêf dal secul III d.C. cuntune conotazion simboliche diferente.



La bandiere esibide intune des celebracions plui resintis de Fieste de Patrie dal Friûl (ai 3 di Avrîl).

La bandiera esibita nel corso di una recente celebrazione della Festa della Patria del Friuli (3 Aprile).

LA BANDIERA DEL FRIULI

Uno dei simboli inconfondibili della nostra terra è la bandiera del Friuli, la settima più antica d'Europa.

La sua origine risale ai tempi dello Stato patriarcale di Aquileia che dal 1077 al 1420 governò il Friuli, istituendo uno dei primi Parlamenti d'Europa. L'esemplare più celebre ed antico (XIV secolo) si può ammirare ancora oggi presso il Museo del Duomo di Udine.

Si tratta di un magnifico drappo quadrangolare di seta color grigio-azzurro con al centro un'aquila. Il vessillo faceva parte del corredo funerario del patriarca Bertrando di Saint Geniès, in carica dal 1334 fino al 1350, quando venne barbaramente ucciso da una congiura di nobili friulani. Sul perché dell'aquila, sono state fatte varie ipotesi, nessuna comprovabile. Il suo uso come simbolo della Patria

del Friuli è comunque precedente di oltre un secolo alla bandiera del '300. I ritrovamenti numismatici collocano infatti con certezza l'adozione dell'aquila patriarcale agli inizi del 1200, ai tempi di Volchero di Erla, Patriarca di Aquileia dal 1204 al 1218.

È riconosciuta dalla L.R. 27/2001

La bandiera friulana è stata ufficialmente definita e riconosciuta con la legge regionale 27 novembre 2001, n. 27. Essa è formata "da un drappo di forma rettangolare con al centro un'aquila araldica d'oro con ali spiegate, testa a sinistra, rostro aperto e artigli rossi, posto in campo azzurro.

Lo stemma ha dimensioni pari a tre quinti dell'altezza della bandiera che a sua volta deve essere alta due terzi della sua lunghezza".

Va esposta dai Comuni appartenenti alla minoranza linguistica friulana, accanto alla bandiera della Regione, a quella italiana e dell'Unione Europea.

La bandiera del Friuli non va confusa con quella adottata dalla Regione Autonoma Friuli-Venezia Giulia (istituita nel 1963). Quest'ultima si ispira infatti ad un bassorilievo aquileiese del III secolo d.C. con una diversa connotazione simbolica.



ARLeF
^^
^^ AGENZIE
^^ REGIONAL
^^ PE LENGHE
^^ FURLANE
^^

Contats | Contatti

ARLeF - Agenzie Regionâl pe Lenghe Furlane
vie/via Prefettura, 13 - 33100 Udine/Udine
Tel. 0432 555812 - Fax 0432 204158

arlef@regione.fvg.it
pec: arlef@certgov.fvg.it

